


錫金志補



邑志所見隨筆

李忠定公祠二一在膠山寺後廢正德四年里人安國重建一在惠山尚德書院內正德五年尚書邵寶建

邵寶惠山李忠定公祠記

惠於錫為名山山之重在泉而幽邃如聽松菴者次之菴之左茂林修竹觀者謂為一山之勝吾世墓迤其地舊矣弘治間購於僧而得焉時方考闡宋丞相李忠定公居之故而恨其未之祠也蓋有意於斯者凡十餘年至是幸獲休退而始為堂於竹間以為公祠間嘗登而四顧左右前後無非竹者乃顏其門曰尚德書院若謂竹有君子之德凡觀者尚之故言亦尚之云爾然豈徒以物為哉思古之君子而不可見將誦其詩讀其書以論其世蓋狂斐之志如此粵稽三代以來君子之在錫者以至德則泰伯之祠尚矣儒學如龜山諸賢亦故有祠於學凡我後進皆得拜而瞻之公自其祖由邵武來居生長宦學於斯至以梁溪自號則固諸賢之倚也况嘗廬墓茲山義起之禮願當後舉哉此吾堂之所以作也今夫祠闕諸祭菜則事合稱諸鄉先生則名正肖諸家廟本則像真實與子弟諸生歲時率以從事庶幾陟降間如與君子周旋交懋厥修以階聖賢之域蓋不知道有隆污人有高下而時有古今自尚志而已矣公之學吾未知其所從觀其父母墓銘皆出龜山當亦與聞程氏之道者故其建明經畫大抵篤君臣明夷夏達經權審進退以身任重而不自失焉其忠義激烈千載而下猶能使人興起史稱公有諸葛武侯之心而考亭朱子序其奏議以天生弭亂許之自是而觀謂公古之君子其不然哉

右見明崇禎七年無錫縣志



邵寶膠山李忠定公祠碑

寶既祠公於惠山尚德書院而膠山寺故祠復以重建來告蓋鄉人安國為之是舉亦吾志也烏得無言按郡志山在邑東四十里梁大清初寺於其麓宋紹興間公遂為墳剝嗣是遂祠公為其修而復之固以義起禮者而或以公非邑產為疑公生長宦學於斯自號必以梁溪公為寓賢耶為鄉先生耶公立朝有識有才有權有量而本之以忠謀出之以正氣在靖康竭扶持之力在建炎舉修攘之政在紹興建恢復之謀不幸而屢見沮忌其所復君父之仇正華夷之分無愧於聖賢者僅見之章疏計畫開然於此有隱功焉而非君子莫之知也今祠之復安君獨任其費昔永康徐元德首議建公祠晦菴朱子為記深嘉興之况國無元德之責者哉且又割田十有三畝與前陸永思所捨七畝同隸寺僧為春秋私祀之需益可尚矣用紀歲月書其麗牲之碑且為迎送神詞曰公何之兮勤我招翼雲旗兮凌江潮公蟬冠兮絳服指舊邱兮遊速朝騰駕兮水裔夕弭節兮山椒西有忠兮東有膠潔我尊兮醇醪跂英靈兮未下闌歌聲兮鼓簫宛懷公兮心勞公將去兮何從望闕山兮南東整重帆兮雙楫駕海濤兮天風曠舊遊兮斯在手常植兮萬松惠之泉兮膠之峰儼翼翼兮新宮靈煥彼兮忽此雲迴翔兮太空歲復歲兮來降

右見錫山景物略及金匱縣志

安如山膠山改建宋丞相李忠定公祠堂記

膠之有李公祠蓋自宋紹興間公請為崇親報德禪院始勝國初毀於兵燹百餘年來寺僧寓木主於泉上以存香火祠而像之以崇厥祀實自余先子桂坡翁始祠址舊在東寺之西偏先子每於春秋祀公輒嘆曰公為故宋名相忠謀正議見於修攘恢復諸疏真欲以身任斯道之責者顧其祠乃與佛廬釋宇並

列謀改遷之而未果嘉靖戊戌歲因先子邱墓密邇公祠展謁之暇此心益用
耿耿一日步至泉上遠觀縱覽恍然有感乃進吾弟如磐如石而告之曰公祠
其遷諸泉上乎惟泉色白味甘前輩嘗與惠山第二泉並品膠竇賴之以望於
邑祠公於此則山以泉重泉以公益重地靈人傑競秀媲美於無窮其殆鬼神
呵護之以遺公者且並吾膠而峙者非無嵩嶽諸山也公在當時崇親報德之
請不於彼而獨眷眷於此者安知非茲泉有以招之歟泉之上舊有亭曰蒙齋
乃吾先祖友菊翁所修建取山靜泉清蒙以養正之義公固正人君子也况又
木主舊寓之所乎撤而改祠之公其將歆格於斯哉亟命從事其勿緩爰始工
於戊戌冬十月二十六日迄工於己亥春三月十有四日棟宇鼎新廟貌雅飭
庭柏森鬱石淙淵渟實侈舊觀焉是役也費而助之者余與弟磐石董而成之
者寺僧惠榮也祠完寺僧就余請記余重惟仰承先志崇表前賢義不容辭乃
勉為詮次改祠願末於左并記歲月云爾若夫公生平履歷與夫精忠大節本
自崇親報德中来者則我舅氏二泉翁已於麗牲碑備志之矣山也又何能贊
一辭原設祠田若干寺僧計費中格今議修復云時嘉靖己亥歲秋八月吉立
右記同部碑勒石公祠在竇乳泉上邑志未載

元陳方謁膠山李忠定公祠詩

丞相無非腐儒慷慨遭國難平生痛哭心忍死抱長算嗚呼百歲後寂寞誰享
裸至今空山中祠宇妥涯岸鳥跡上香臺栖霞落風慢山僧雖異流展像亟稱
讚飄飄風塵際黃屋在甌窳不有左轄尊至今猶扼腕公留人心安公去人心
散桓桓冲將軍一鼓銳而悍所至係其纓小衄何足憚魏公經濟才安劉左右
袒傾蓋出流離中情始永泮倉皇青城役慘淡失神觀豈無婁敬策尚足勤修
捍落落付空言悠悠神情斷聲名字宙間草草入嗟嘆

明邵寶和施克蘇韻

壯懷千古了難償太息群陰剝一陽鳴鳳未聞聲微角戰龍曾見血玄黃薄毛藉處非無地老樹陰中合有堂風雨去城三十里滿山簫鼓為誰忙

國朝安璿題膠山李忠定公祠詞寄滿江紅

丞相祠堂空山裏馨香不歇從正德有田奉禮於今為烈年少讀書山隱霧官成報德泉斟月較他山尚德薦蘋蘩差親切 公忠義今昭雪公事業初磨滅儘轉旋國難無圓非缺蔽日魏公猶射影回天太學終凝血使留公何致汴而杭移宮闕

右詩二首見錫山景物畧及金匱縣志詞一首見安氏家乘

國朝康熙五年邑李氏建公祠於惠山寺日月池旁乾隆二年奉 文給帑修

葺周宏新祠記 周金紳記

右見乾隆庚午無錫縣志。庚午志削膠山宋元以來舊祠又削惠山

尚德祠及文莊邵公兩記

雍正七年金匱縣憲王公喬林以安國配祀膠山李忠定公祠

李族有欲奪膠山祠田併入惠

山新祠者奉縣批安桂坡先生捐田既在膠山不得那移別用該李氏廟一楹奉安桂坡先生配享

右縣批見安李兩姓家乘

按舊志李忠定公祠有二在金匱膠山北麓者最古自宋元明至 國

朝享祀不廢先桂坡及先膠峯兩世重建捐田奉祀者也在惠山尚德

書院者邵二泉先生奉祀者也新志惠山寺日月池旁者李氏奉祀者

也合新舊志所載忠定公祠凡三皆非為官祭而建一為後賢仰止先

賢一為後裔進孝先祖見李公之德在人心沒世不忘載在邑志以為

鄉黨之光以考先賢之迹不可畧也乾隆庚午志削去舊祠及文莊兩

記已不可解又曰移建今祠似李氏移二泉書院之祠於惠山寺日月
池旁者此非改信之言也又周金紳記曰文莊以舊祠越在鄉僻有司
致祭未便因移祀於惠山尚德書院又似文莊移膠山安氏奉祀之祠
於惠山者此又非傳信之言也不知文莊尚德之祠以李公故居無錫
而祠之非為有司致祭也我祖桂坡公膠山之祠因公宋元舊祠而重
建之亦非為有司致祭也文莊既沒二泉釋菜久虛新祠未建有司春
秋何祭而忠定之享祀五六百年未替者獨有膠山之祠耳且公在宋
請以膠山寺為崇親報德禪院又聞其讀書膠山公之遺迹在膠山多
矣公之棲神於膠山久矣奈何削去舊志兩祠獨載李氏新祠而又以
移建移祀之說使舊祠滅沒豈傳信改信之書乎故備錄舊志而明辨
之謹呈

台裁

安國字民泰性資警敏多遠略居積諸貨人棄我取於是贍宗族惠鄉里乃至

平海島黃省曾曰正德乙酉海盜浮游鈔畧中丞任公建節江上延徽國問計

參佐皆欲直持國曰不可賊人以海為家在長濤怒波間運帆楫如劇

馬我無向道性必不利不如用間腹心其黨而誘教之

可旦夕破也公以其言奏功上於朝得銀牌之賜

正德辛巳中丞李公治水於吳白茅塘者西受昆承李墓諸水以注於江也永

樂景泰弘治間凡三浚之尋復湮阻國思其要領往謁李公曰河身深浚則土

清善崩奈何勿為釜形乎可以不壅公從之父喪會葬者五十人居膠山因山

且檄而董為民皆鼓舞趨事迄今宣洩疏利

治圃植叢桂於後岡延袤二里餘因自號桂坡涉獵經史能言古今治亂之故
好古書畫彝鼎購異書後益喜遊北走燕趙望天壽山抵居庸而東躋泰岱掠
龜蒙謁孔林歷鄒魯之墟西泛大江登匡廬循襄漢以憇於武當又渡錢塘探
禹穴覽天台雁蕩極於普陀而還右錄嚴志載行義金邑志潛德諸賢
邑地莫高於膠山皆石田嘉靖中歲旱民饑乃發粟千鍾計口就食課民緣山

鑿池日集千夫自春初接麥收成巨浸中留二墩題曰金焦分勝所謂西林也
又其左前為東林南林皆殺三之二由是活民無算而石田轉為沃田蓋小試
而經猷見焉右錄庚午志及錫山景物畧

安如山字子靜嘉靖八年進士改庶吉士出為裕州知州地險多盜民皆貧徒

如山至諳其疾苦而更張之會戶部括天下田因履畝丈量方始事而部輒更

令如山卒竟其役民利之再補裕州益不煩而治移高唐進金華知府遷雲南

僉事民獠雜處政務綏輯歷江西叅政再調四川僉事歸穆宗即位進階朝列

大夫卒祀裕州名宦祠嚴志

安希范明史有傳嚴志儒林金匱志道南崇祀諸賢庚午志有附傳曰子廣居

字無曠高志憲攀龍壻也從遊東林被服忠孝忠憲赴止水家禍且不

測廣居力護特之登崇禎癸酉隨書於未中會試乙榜是歲通榜皆予
特用廣居應得縣令自免歸甲申春都城陷恸哭祈死及秋而卒○如
錄明史本傳則
附傳不必附

安紹芳字懋卿為太學生鄉試以同舍生事被黜久之得白入北雍試不利乃

棄去專為詩歌古文紹芳本名家子所居膠山西林廣池十頃帶以華薄蔚然

深靚曲橋飛樓逶迤大矯雜置圖書彙鼎其中每諸名士過從置酒刻燭歌吹

湖起至忘日夜嘗自為西林纂王世貞輩為之記張復繪圖紹芳善畫得黃公望法

今亦高價矣嚴志文苑

安璿字孟公希范孫廣居子坐卧卷畫樓藏書萬卷略皆穿穴詩街口瞻逸所

至皆有留題多識前朝遺事龐雜提掇原委犁然晚更研心理學手所編著書

十數種自收拾遺墨曰孟公不在茲集旁工嚴整平遠庚午無錫志文苑
又方技列名無傳

安廣譽嚴志方技○金匱志附安璿傳非實錄可削

黃庭無錫新志隱逸○金匱志可削

貞節

安如山妻吳氏無錫新志有傳 金匱志闕

安如陵妻鄒氏無錫新志有傳

以上前明未旌○又未載邑志者別錄

國朝有旌典者見無錫新志

著 述安氏著述舊志未載

遊吟小稿安國著 明正德嘉靖間刊行原版已失

顏魯公集安國校刊

初學記安國校刊

天全堂集安希范著

西林集安紹芳著

菴畫樓集安璿著 未刊

先賢語錄安璿輯

膠東山水志安璿著 未刊

方城均田志安如山著

安氏世墓攷

無錫縣志

冢墓明

贈戶部員外安國及僉憲安如山墓在膠山

鴻山為讓王之遺邱至德遠矣嗣後賢喆殂謝窀穸相望觀於九京亦尚友之助也邑中之地凡風氣凝聚咸稱佳壤夫為善蒙福猶不盡驗顧憑信堪輿求其庇蔭習俗移人賢者不免庸非感歎百年以往豈無犁古墓而新松柏者然下董相之後爵白傳之冢雖微墓大夫職之而樵採無赦知當車過而矜式矣

志冢墓第二十

行義

安國字民泰性資警敏多遠略時有濬白茅河備倭夷諸大役國皆有力為父喪會葬者五千人居膠山因山治圃植叢桂於後岡延袤二里餘因號桂坡漁獵經史能書明於古今治亂之故善鑿書畫好購奇書後益喜遊編歷名區有北遊東遊西遊記事

宦蹟

安如山字子靜嘉靖八年進士改庶吉士出為裕州知州地險多盜民皆外徙如山至咨其疾苦更張而安集之會戶部括天下田因履畝丈量方始事而部輒更令如山卒竟其役民利之再補裕州益不煩而治移高唐進金華知府遷雲南僉事民獠雜處政務綏輯歷江西叅政再調四川僉事歸穆宗即位進階朝列大夫

金匱縣志

冢墓

贈貞外安國暨子僉事安如山墓在膠山北麓

山水

膠山周九里高九十丈西去惠山四十五里下有膠山寺寺左為安國墓右為李忠定公祠陸氏安氏捨田供祀階下為竇乳泉

安國重建李忠定公祠碑

邵寶

竇既祠公於惠山尚德書院而膠山寺故祠復以重建來告蓋吾鄉安國為之是舉亦吾志也為得無言按郡志山在邑東四十里梁太清初寺於其麓宋紹興間公遂為墳剝嗣是遂祠公為其修而復之固以義起禮者而或以公非邑產為疑公生長宦學於斯自號必以梁溪公為寓賢耶為鄉先生耶公立朝有識有才有權有量而本之以忠謀出之以正氣在靖康竭扶持之力在建炎舉修攘之政在紹興建恢復之謀不幸而屢見沮忘其所以復君父之仇正華夷之分無愧於聖賢者僅見之章疏計畫開然於此有隱功焉而非君子莫能知也今祠之復安君獨任其費昔永康徐元德首議建公祠晦菴朱子為記深嘉與之况國無元德之責者哉且又割田十有三畝與前陸永思所捨七畝同隸寺僧為春秋私祀之需益可尚矣用記歲月書其麗牲之碑

安氏家乘

贈公墓在膠山北塢三峯迴環當山腰下藏墓門在平麓層級而上入門為勅命亭右折石道石坊曰奇氣遠識高義卓行聯曰天光雲影俯一鑑之開明鳳翥鸞翔仰三峯之聳秀享室五楹碑亭六覆秦端敏公誌銘湛文簡公墓碣及諸名公志傳琢石環城豐豐隆隆贈公藏也美以嘉靖十四年乙未

邑志擬補

錄史

至德肇起文明舊志概錄史記吳泰伯世家以冠人物尚矣顧漢書晉書南史唐書錫邑代有鄉賢寓賢至宋漸多明史尤盛而各史本傳舊志未載竊以大人物之忠節文章經濟既垂國史者邑乘中尤應詳載以垂教鄉邦今擬遵舊志錄史記吳泰伯世家續歷朝鄉賢之在國史者別為錄史一卷謹錄所知呈

覽其有闕略伏祈

政之

史記 吳泰伯世家 春申君列傳 以上舊志載

後漢書 高彪文苑傳 梁鴻逸民傳

晉書 顧悅之 顧愷之 悅之子

南史 華寶孝義傳

唐書 李紳 陸羽

宋史 杜錫 杜杞 錢顛 陳敏 李綱 尤袤 李祥 蔣重珍

楊時 喻樗 袁植 陳焄 尹玉 麻士龍

欽頌明史 張籌 祝敬 盛顯 葛萬 秦金 秦桂 金孫 邵實 楊淮

張選 黃正色 胡濤 萬家春 顧憲成 顧允成 安希范

劉元珍 葉茂才 何棟如 高攀龍 華允誠 馬世奇

龔廷祥 堵允錫 陳幼學 王紱 王孫蘭 蔡元銳

蔡元鐸 祝瓚 成氏

右擬補錄史一則

卹贈

卹典以褒忠諫立朝及沒於王事及陷穽難殉國難者以明天地正氣
之所在其次亦積日累勞方獲激榮身後較之尋常封贈尤不易得也
封贈以勸為人父者卹典以勸為人臣者蓋尤有關名教也歷觀舊志
皆載封贈而不載卹典洵闕典也今擬補卹贈一則謹錄所知呈

覽

唐 李紳贈太尉

宋 錢顛 李綱 贈少師 陳烜 贈直寶章閣 袁植 贈直龍圖閣

蔣重珍 贈朝請大夫 尤袤 李祥

明 尤實 贈中憲大夫 儲福 衛卒 贈指揮使 高曇 贈工部員外

奉金 贈太子太保 楊淮 贈太常少卿 邵實 贈太子少保

周子義 贈禮部尚書 嚴一鵬 贈刑部尚書 孫繼皋 贈吏部尚書

萬象春 贈右都御史 侯先春 贈太僕寺少卿 周炳模 贈禮部尚書

顧憲成 贈太常寺少卿 再贈吏部侍郎 顧允成 贈尚寶司丞 安希范 贈光祿寺少卿

高攀龍 贈太子少保 兵部尚書 馬世奇 贈禮部侍郎 堵允錫 贈海國公

國朝 稽永仁 生員 贈國子 監助教 秦華鍾 贈按察司僉 張令憲 贈按察司僉事

稽曾筠 贈少保 秦蕙田 贈太子少保 張泰開 贈禮部尚書

鄒一桂 楊夢榘 王日杏

右擬補卹贈一則

西高山在縣東北三十里中峯曰靈龜山北峯曰鳳皇山山頂有仙人禮拜石
山西舊有高氏居此故名下有崇福菴有祠山廟明舊志

國朝巖志曰西高山在縣北三十里不甚峻無深林邃谷中峯曰靈龜北峯曰
鳳凰其東有石上有迹類人額痕及兩肘膝匍伏處人俯其上皆適合名仙人
禮拜石相傳東漢高岱字孔文居此山後為孫策所害葬焉山因以高名今按
山本名高而因東有膠山土音高與膠同或訛為膠故加西以別焉

謝應芳西膠山雪晴

按膠當時有城工之役

錫山景物
畧多六字

夜來雪深二尺強石人墮指冰蠶僵猶喜金烏兩翅凍不折天明飛出海上之
扶桑老夫晨起膠山下

膠當作高錫山景物畧因此膠山二字風景看來渾似
誤以此詩屬膠山無錫畧志承譌未正

畫連山萬頃玉為田渴水數家銀作舍田中築城圍義兵日高未飯饑腸鳴黃
泥凍地硬如鐵白柄短鋤鋤有聲不辭受寒饑但恐虧工程將軍踏雪來點名
萬夫鵠立顛且驚馬前壯士五色棒棒頭性命鴻毛輕余生悔不習兵法雪夜
擒吳書奏提客欄抱膝漫悲歌奈爾義兵寒若何

先孟公諱璿曰應芳明初人
居西高山城工在胡家渡馬

此詩呈州尹遂罷其役擒吳乃明太祖擒張士誠也
按錫山景物畧詩題曉
去西寺詩中擒吳論胡今據巖志改正而以詩屬西高山

擬膠山寺

膠山教寺在膠山西坡寺門與慧山寺相對比較不失尺寸

金匱志曰寺門於安氏築

蓋時徙去梁蕭侍郎捨宅也天監六年始建太清初名彌勒寺宋至道中賜額興

化建炎間丞相李綱請以奉先世祀改崇親報德禪院世稱膠山寺舊有上

方軒環翠軒聽松軒秀峯軒分翠軒元末並廢明洪武正統嘉靖間寺僧屢

修復之又增湛然講堂

即文為湛然僧建

東泉書院翠屏閣萬玉亭皆有詩銘碑刻

而今廢矣惟忠定李公祠歸然獨存

安國建捐田奉祀

甯泉泉涌然仰出

安天錫築亭覆之後

商重葺此寺中古蹟僅不磨者

瞿景淳記 蘇紳徐允元學膠山寺詩 蘇紳唐傑上方軒詩

楊介環翠軒詩唐寅安國萬玉亭詩文徵明贈古林上人

貞節

明

浦氏安習吉妻年十七歸習吉八月而孀守節二十一年足不出閨閻身不服綺麗言不及非僻耳不入淫哇時有直指廉訪貞節父欲以女應堅辭曰夫早亡命也女守節分也安分順命豈以為名乎浦病父為求醫又堅辭曰夫死已當從死今病而死晚矣何求生為終不藥而死葬安氏祖塋方伯龔公勉志其墓

安紹芳妻褚氏吳氏唐氏凌氏紹芳艱嗣年將艾得褚美而無子然知大體為紹芳畜宜男者三姬婢按期當夕於是聯舉四子璜瑤吳出珩唐出瑤凌出紹芳年五十八卒褚與三姬皆少寡無不謹慎撫孤成立璜瑤諸生珩太學生

黃氏安廷訓妻三詩善屬文年二十而寡以貞自守即不事翰墨為親族中女教授道範卓然六十而沒直指祁公彪佳表其門

蔡氏安廷靜妻年二十四而寡荒田三畝破屋兩間飢寒困迫之無靡他七十而歿

國朝

安氏華淮妻太學安璜女年十八歸淮淮暴病卒以死自誓翁命嗣以延夫祔即長齋禮佛守節二十餘年得嗣子申錫八十餘卒

謝氏華錫中妻申錫早卒遺孤永孝才週歲謝氏時年二十一將以死殉姑安氏諭曰我初無嗣尚奉翁命待嗣爾今有孤忍弗撫孤乎謝氏含淚聽受命撫永孝成立姑媳相依如母女姑年高竭力奉養姑嘆曰爾能孝我願爾亦多壽長享子婦孝養也謝氏年七十七無疾而終

倪氏安起鳳妻二十七起鳳卒矢志事翁撫孤紡績茶苦卒年六十有一
顧氏安玉如繼妻年二十五歸玉如二十八玉如卒無出撫嗣子汝雅如已
出事翁姑有禮不苟言笑六十二卒乾隆三十一年學憲曹秀先給匾旌
朱氏安起龍妻年二十七起龍卒鞠孤楚實慈而年事翁姑三十年無間言
年五十八卒乾隆二十七年縣憲程光瑄給匾旌

劉氏華鳴皋妻多藝而運蹇多病婦嘗割臂和為進之而瘳旋以歲凶多逋
抑鬱死將死目劉氏而不語劉指所生女向鳴皋泣曰此而男也當竭力延
一脈今知為若敖餘矣子往矣妻即相尋地下耳鳴皋乃瞑族人醵錢殮之
既殯所生幼女殤劉氏夜薦止者及祖妣赴門前溪水死長女八歲救母抱
母死時乾隆乙巳七月壬申氏年二十九歲越九年奉

旨旌

錢氏華南登妻年二十五南登卒遺孤祖壽方四歲踰年甫平鬻產養翁紡
績養孤七歲而殤又撫姪儲元居敗屋中教之讀書既長為蒙師母子屢勉
自立聘浦氏夫再聘陸氏又夫娶鄒氏三年元儲元亦死錢氏慟曰為華氏
老寡婦乃奉翁命圖延祚耳撫孤而殤鞠嗣三娶而子婦皆沒此天止我也
聞者咸為酸鼻謂之女中文天祥